



Bosna i Hercegovina  
Federacija Bosne i Hercegovine  
**Federalno tužilaštvo**  
Federacije Bosne i Hercegovine

**A-476/23**

**Sarajevo, 14.11.2023.g**

Na osnovu člana 6. Zakona o Federalnom tužilaštvu FBiH („Službene novine FBiH“; broj: 42/02 i 19/03), člana 64. stav (1) tačka b) i člana 70. stav (1) i (3), Zakona o javnim nabavkama („Službeni glasnik BiH“, broj: 39/14 i 59/22), Zapisnika o pregledu i ocjeni ponuda broj: A-476/23 od 07.11.2023.godine i Preporuke komisije broj A-476/23 od 13.11.2023. u postupku nabavke roba: „računarske opreme za potrebe Federalnog tužilaštva FBiH“, donosi se

### **ODLUKA**

#### **o izboru najpovoljnijeg ponuđača za nabavku računarske opreme**

#### **I**

Prihvata se preporuka Komisije za javne nabavke broj: A- 476/23 od 13.11.2023.godine i ugovor za nabavku robe – računarska oprema za potrebe Federalnog tužilaštva FBiH dodjeljuje se ponuđaču „R&S“ d.o.o. Sarajevo, ul. Igmanska bb, Vogošća, ID broj: 4200056290005 za ponuđenu cijenu od **29.826,66 KM bez PDV-a**. (Najniža cijena tehnički prihvatljive ponude nakon provedene e-aukcije).

#### **II**

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### **III**

Izabrani ponuđač je dužan dostaviti dokaze o kvalificiranosti u roku od 5 (pet) dana od dana prijema ove odluke, u skladu sa zahtjevom iz tenderske dokumentacije.

#### **IV**

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

#### **V**

Ova odluka stupa na snagu danom donošenja i objavit će se na web-strani Federalnog tužilaštva FBiH [www.ft-fbih.pravosudje.ba](http://www.ft-fbih.pravosudje.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

### **Obrazloženje**

Glavni federalni tužilac donio je Odluku broj: A-476/23 od 09.10.2023.godine o pokretanju postupka javne nabavke računarske opreme za potrebe Federalnog tužilaštva FBiH.

Javna nabavka je provedena putem postupka Konkurentski zahtjev za dostavu ponuda. Konkurentski zahtjev, odnosno tenderska dokumentacija, učinjena je dostupnom svim zainteresovanim ponuđačima, bez naknade, a isti su je mogli preuzeti na portalu Agencije za javne nabavke Bosne i Hercegovine.

Za predmetnu nabavku objavljeno je obavještenje o nabavci na portalu Agencije za javne nabavke broj: 1187-7-1-21-3-4/23.

Komisija za provođenje postupka javne nabavke provela je proceduru javne nabavke, dana 01.11.2023.godine obavila javno otvaranje ponuda, sačinila i dostavila Zapisnik o otvaranju ponuda ponuđačima koji su blagovremeno dostavili svoje ponude, te sačinila i Zapisnik o pregledu i ocjeni ponuda.

Ponuđači koji su dostavili ponudu su:

1. „Godimerc” d.o.o. Sarajevo, sa ukupnom cijenom od 29.996,08 KM bez PDV-a;
2. „R&S” d.o.o. Sarajevo, sa ukupnom cijenom od 29.852,50 KM bez PDV-a;

Komisija je na zatvorenim sjednicama dana 07.11.2023. godine, izvršila evaluaciju pristiglih ponuda gore pomenutih ponuđača za nabavku računarske opreme, te je ustanovljeno da su obje pristigle ponude potpune odnosno tehnički zadovoljavajuće, te da ispunjavaju uslove propisane tenderskom dokumentacijom.

Budući da su ponude navedenih kvalifikovanih ponuđača potpune i tehnički zadovoljavajuće, Komisija je dana 08.11.2023. godine, u sistemu e-nabavke zakazala e-aukciju za dan 13.11.2023. godine sa početkom u 12:00 sati.

Nakon provedene e-aukcije ustanovljena je konačna rang lista ponuđača kako slijedi:

1. „R&S” d.o.o. Sarajevo, sa ukupnom cijenom od 29.826,66 KM bez PDV-a;
2. „Godimerc” d.o.o. Sarajevo, sa ukupnom cijenom od 29.859,00 KM bez PDV-a;

U postupku donošenja ove Odluke posebno su cijenjene činjenice da je izabrani Ponuđač dostavio ponudu koja potpuno udovoljava zahtjevu i potrebama Federalnog tužilaštva FBiH po najnižoj cijeni, te da ukupna ponuđena cijena navedene ponude ne prelazi iznos planirane vrijednosti za predmetnu nabavku.

Imajući u vidu sve navedeno odlučeno je kao u dispozitivu ove Odluke.

#### **Pravna pouka:**

Protiv ove Odluke svaki Ponuđač koji ima legitimni interes u predmetnom postupku javne nabavke i koji smatra da je ugovorni organ ovom Odlukom prekršio jednu ili više odredaba Zakona o javnim nabavkama ili neku odredaba podzakonskih akata, ima pravo izjaviti žalbu u pisanoj formi u roku od (5) dana od dana prijema ove odluke Filijali Ureda za razmatranje žalbi Bosne i Hercegovine sa sjedištem u Mostaru, **putem Federalnog tužilaštva Federacije Bosne i Hercegovine**, u skladu sa članom 99. Zakona.

**GLAVNI FEDERALNI TUŽILAC**

**Munib Halilović**



#### **Dostaviti:**

1. „R&S“ d.o.o. Sarajevo
2. „Godimerc“ d.o.o. Sarajevo
3. Računovodstvo Vrhovnog suda FBiH;
4. Web stranica
5. U spis